



Synfocity = 922

mail us at : mzsinfo@gmail.com; mizoramsynod@gmail.com - Phone - 2314648

February 1, 2024

❑ Pro. Pastor lak tharte tan Orientation

January 30-February 2, 2023 chhung hian Synod Inkhawmpui 2023-in Pro. Pastor a lak tharte pualin Pro. Pastor Orientation Programme, Synod Conference Centre-ah neih a ni.

Orientation programme hi January ni 30 (Thawhlehi) zan dar 6:00 khan hawna inkhawm neih niin Synod Moderator, Rev. R. Vanlalnghakan inlawmna hun a hmang a, Keynote Address a sawi a ni.

Orientation chhung hian subject hrang hrang - Church Administration chungchang te, Pathian Biak Inkhawm chungchang te, Synod Rules & Regulation chungchang te leh rawngbawlina atana thil pawimawh hrang hrang te an zir a ni. February 2 (Zirtawpni) zan hian OM te nen inkawm hona neiin Orientation programme hi khar zui nghal a ni ang.

Tun tum Orientation programme-ah hian Pro. Pastor 15 an tel a, Mission Field-a awmte chu Field Secretary leh Administrative Secretary-ten a tul anga lo kaihruai tura beisei an ni.

Pro. Pastor Orientation hi Pro. Pastor lak tharte tan kum tina buatsaih thin a ni.

❑ Synod Mission Board

◆ Jharkhand Mission Field

January 24, 2024 (Nilaini) khan belhtu thar pahnih an awm a. January 28, 2024 (Pathianni) khan belhtu thar pakua an awm a, kohhran dang atangin chungkaw khat (member 3) kan kohhranah an rawn inpe bawk.

◆ Odisha Mission Field

January 28, 2023 (Pathianni) khan belhtu thar pathum an awm.

◆ Nepal Mission Field

January 28, 2024 (Pathianni) khan belhtu thar pariat an awm.

◆ Arunachal & Assam Mission Field (West)

January 28, 2024 (Pathianni) khan belhtu thar pahnih an awm.

◆ Lucknow Mission Field

January 28, 2024 (Pathianni) khan belhtu thar pakhat a awm.

❑ Campus Ministry

January 26, 2024 (Zirtawpni) khan Golden Hall, Hrangbana College-ah Aizawl Area Students Evangelical Union Joint Fellowship neih a ni a, hemi hunah hian Tv. Lalrinchhana, Counsellor a kal. Joint Fellowship hunah hian thusawi bakah Praise and Worship-a hun hman a ni.

❑ Worship

January 30, 2024 (Thawhlehi) khan Phuaibuang Kohhranah Music Training neihpuiin Tv. H. Lalthazuala, Instructor leh Upa Hmingthanchuanga te an kal.

❑ MSSU

February 3, 2024 (Inrinni) hian Sunday School Zirtirtu training neihpui turin Trainer-te hetiang hian an chhuak ang:

Lunglei Chanmari Bial - Upa K. Vanlalnghaka leh Upa R. Vanlalhruaia

Lunglei Bazar Bial - Upa Hrilthansanga leh Upa Isak Zanzoliana Chhangte

Sihphir Kohhran - Upa Lalrosanga Kawlni, Upa C. Lalbiaksanga leh Upa Lalbiakliana

❑ Synod Relief Fund

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Lungchhuan PES school	kang tanpui nan		₹ 50,000/-
2.	Bungbanga	Damlo leh khawsak harsa	3	₹ 30,000/-
3.	Khawpuar	Damlo	1	₹ 10,000/-
4.	Ramthar North	Damlo	1	₹ 10,000/-
			Belh khawm	₹ 1,00,000/-

Contd..

- ❑ **FM Zoawi - Aizawl & Lunglei : Hruaina Eng Radio Programme**
February 2, 2024 (Zirtawpni) @ 7:30 p.m. :
Fakhla huang : Lalramnunmawii
Thusawi : Dr. Lalchhanhima Ralte - HIV/AIDS chungchang inzirtirna
Zaipawl : Ramthar Veng Bial Zaipawl - Khawvel Hnehna
- ❑ **Su Samachar Prasaran Programme :**
February 4, 2024 (Pathianni) 5:30 pm. :
Group/Choir/Solo : Diphu Pastorate Choir - Lang tha sining
Group/Choir/Solo : Republic Veng Kohhran Masihi Sangati - Chalo mere sath
Sermon : Rev. Vanlalhruaia Ralte
Group/Choir/Solo : Khatla Kohhran Masihi Sangati - Ishu Tera Wada
Group/Choir/Solo : Tuikual Pastor Bial Masihi Sangati - Prabhu Mere
- ❑ **Hruaina Eng TV Programme**
1.2.2024 (Ningani) 8:30 pm : Thupui Zir bing : Hun hnuhnung thu - Kum sang rorel
2.2.2024 (Zirtawpni) 5:00 pm : Kristian Naupang Pual
3.2.2024 (Inrinni) 5:30 pm : Puitling Sunday School Zirlai
4.2.2024 (Pathianni) 8:00 am : Weekly round up
5:30 pm : Su Samachar Prasaran
5.2.2024 (Thawhtanni) 8:30 pm : Hruaina Eng Luang chhuak
- ❑ **Moderator leh Executive Secretary-te Programme:**
Rev. R. Vanlalnghaka : Moderator
 February 3-4, 2024 Hliappui Bial
 February 7, 2024 Mission Board
 February 8, 2024 Hospital Board leh MPF committee
Rev. C. Zoramawia : Senior Executive Secretary
 February 9, 2024 Theological Education Board (TEB)
 February 10-11, 2024 Chhiahtlang Bial Kohhran Hmeichhe Inkhawmpui
Rev. V.L. Luaia Hranleh : Executive Secretary
 February 5, 2024 SMTC Managing committee
 February 7, 2024 Mission Board
 February 8, 2024 Hospital Board
 February 9-11, 2024 Dawrpui Vengthar Bial Kohhran Hmeichhe Inkhawmpui
Rev. Dr. K. Lallawmzuala : Executive Secretary
 February 3-4, 2024 Tuidam Bial KTP Conference
 February 7, 2024 Mission Board
 February 10-11, 2024 Chawlhmun Bial Kohhran Hmeichhe Inkhawmpui
February 6, 2023-a Synod Trust Committee-ah Moderator leh Executive Secretary-te an thu ang.

SYNOD REVIVAL HRIATTIRNA

February 6-10, 2024 chung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu T.Upa H.V. Lalrinkima, Evangelistic Team a ni ang. Camping Fee Rs. 100/- mi pakhat tan a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.